

সীমিত
অনুচ্ছেদ-৪৩
ফার্মবেস (Firmbase)

৪৩০১। সংজ্ঞা। শত্রু এলাকায় বা শত্রু কর্তৃক দখলকৃত নিজস্ব এলাকায় নিজস্ব বাহিনী কর্তৃক পরিচালিত বিভিন্ন যুদ্ধাভিযান পরিচালনায় পর্যাপ্ত নিরাপত্তা ও প্রশাসনিক সাহায্য প্রদানের উদ্দেশ্যে যে একটি স্থান নির্বাচন করা হয় যা নিরাপদ এবং শত্রু কর্তৃক আক্রান্ত হলে প্রতিহত করা যায় তাকে ফার্মবেস বলে। এই ফার্মবেস স্বল্পকালীন সময়ের জন্য হতে পারে বা দীর্ঘকালীন সময়ের জন্য হতে পারে। এটি নির্ভর করবে যুদ্ধের উদ্দেশ্য, ভূমি ও শত্রু পরিস্থিতির উপর। এই ফার্মবেস কোন যুদ্ধ পরিচালনার জন্য বা যুদ্ধ শেষেও স্থাপন করা হয়।

৪৩০২। ফার্মবেস স্থাপনের উদ্দেশ্য বা লক্ষ্য।

- ক। শত্রু এলাকায় বা শত্রু কর্তৃক দখলকৃত নিজস্ব এলাকায় একাধিক যুদ্ধাভিযান পরিচালনা করা।
- খ। শত্রু এলাকায় যুদ্ধরত নিজস্ব বাহিনীকে নিকটতম প্রশাসনিক সাহায্য প্রদান করা।
- গ। উপরস্থ পর্যায়ে পরিচালিত যুদ্ধে সাজোয়া বা মোবাইল ট্রুপস এর পরিচালনা কৌশলে সহায়তা প্রদান করা।
- ঘ। যুদ্ধরত নিজস্ব বাহিনীকে ফায়ার সাহায্য প্রদান করা।
- ঙ। যে সমস্ত যুদ্ধাভিযানে নিজস্ব বাহিনী পরাজিত বা অকৃতকার্য হয় সে পরাজিত বা অকৃতকার্য নিজস্ব বাহিনী যাতে একটি নিরাপদ স্থানে একত্রিত হতে পারে সে কারণে।

ফার্মবেস স্থাপনের সময়ে ভূমি নির্বাচন ও ভূমির ব্যবহার।

- ক। শত্রু কর্তৃক যাতে সহজে আক্রান্ত হতে না পারে।
- খ। বিমান ও ভূমি পর্যবেক্ষণের বিরুদ্ধে যথেষ্ট আড় থাকতে হবে।
- গ। ক্যানালাইজ পথ থাকতে হবে যদি সম্ভব হয়।
- ঘ। জনপদ থেকে দূরে হতে হবে।
- ঙ। ফার্মবেসের অতি নিকটে কোন প্রধান সড়ক থাকা উচিত নয়। তা' ছাড়া এই স্থানে স্বল্প সংখ্যক রাস্তা বা পথ থাকা উচিত। তবে প্রশাসনিক সাহায্য যাতে পাওয়া যায় সেদিকে খেয়াল রাখতে হবে।
- চ। এমন স্থানে হওয়া উচিত যাতে সাহায্যকারী অস্ত্র সমূহ সঠিক উপায়ে স্থাপন করা যায়।
- ছ। কোম্পানী বা ব্যাটালিয়নের সমস্ত এলিমেন্ট অর্থাৎ বিশ্রাম এলাকা, যানবাহন রাখার স্থান, রন্ধনশালা, আদেশ চৌকি, মহড়া এলাকা ইত্যাদি স্থাপন করা যায় এমন স্থান।
- জ। শত্রু দ্বারা আক্রান্ত হলে যাতে তড়িৎ গতিতে তা' প্রতিহত করা যায় এমন স্থান। মনে রাখতে হবে শত্রু দ্বারা ফার্মবেস আক্রান্ত হলে তা' যে কোন মূল্যেই প্রতিহত করতে হবে।
- ঝ। দীর্ঘ সময় থাকা যায় এমন স্থান হওয়া উচিত।
- ঞ। এমন স্থান হতে হবে যেখান থেকে শত্রুর অবস্থান অতি নিকটেও নয় আবার অনেক দূরেও নয়।
- ট। পানির ব্যবস্থা থাকা উচিত।

ফার্মবেস ও হাইড আউটের মধ্যে পার্থক্য।

ক। ফার্মবেস হচ্ছে এমন একটি স্থান যা' শত্রু এলাকায় বা বেওয়ারিশ এলাকায়ও হতে পারে। আবার শত্রু কর্তৃক দখলকৃত নিজস্ব এলাকায়ও হতে পারে যেখান থেকে নিজস্ব বাহিনীকে প্রয়োজনীয় নিরাপত্তা ও ফায়ার সাহায্য প্রদান করা যায়। আর হাইড আউট বা গুপ্তাশ্রয় হচ্ছে শত্রু এলাকায় এমন একটি পৃথক লুক্কায়িত স্থান যা' শত্রু থেকে অবশ্যই লুক্কায়িত হতে হবে যেখান হতে নিজস্ব বাহিনী ক্ষুদ্র যুদ্ধাভিযান পরিচালনা করতে পারে।

খ। ফার্মবেস অবশ্যই নিজস্ব বাহিনী কর্তৃক শক্তভাবে দখলে রাখতে হবে। এক্ষেত্রে শত্রু থেকে অবশ্যই লুক্কায়িত নাও হতে পারে। আর গুপ্তাশ্রয় অবশ্যই শত্রু থেকে লুক্কায়িত হতে হবে।

গ। ফার্মবেস শত্রু দ্বারা আক্রান্ত হলে নিজস্ব বাহিনী অবশ্যই তা' প্রতিহত করবে বা করার ক্ষমতা রাখবে। কিন্তু গুপ্তাশ্রয়ে শত্রু কর্তৃক আক্রান্ত হলে নিজস্ব বাহিনী গোপনীয়তা ও নিরাপত্তার সাথে সেখান থেকে সরে পড়বে অর্থাৎ শত্রুর সাথে যুদ্ধে অবতীর্ণ হবে না।